


Presentacion boeki “Musical Pearls from Aruba, Bonaire and Curaçao”



STA. CRUZ -- Dia 9 di Mei pa 8’or di anochi den Biblioteca Nacional Aruba na Bachstraat lo tin presentacion di e boeki “Musical Pearls from Aruba, Bonaire and Curaçao”. Esaki ta e di cuatro boeki di musica cu e autor Eric Tchung ta ofrece na amante di cantica y piezanan instrumental. Pa menciona algun compositor cu a duna nan aporte pa e boeki aki ta e.o. Mario Croes, Rufo Odor, Buchi Boekhoudt, Padu Lampe, Rudy Plaate, Alwin Toppenberg, Piet Schwengle, Michael Kuiperi, Edgard Kelkboom, Reynaldo Lampe, Maybelline Arends–Croes, Toty Arends, Janchi Thijzen, Hubert Lio Booi y Don Ramon Krozendijk. Di Dominico Herrera d.f.m. su obra “Bonaire” a haya su partitura pa piano. E

boeki ta consisti di 61 obra folklórico, clásico, religioso y coral cu a wordo poni riba nota, accord y letranan. Wals, tumba, huapango, ranchera, danza, chachacha, merengue y bolero ta algun di e ritmonan usa den e boeki “Musical Pearls from Aruba, Bonaire y Curaçao”. Durante e anochi special aki, lo presenta algun cantica y pieza instrumental pa un agrupacion musical consistiendo di keyboard, baho, guitarra y bateria. Tin e speranza cu e boeki “Musical Pearls from Aruba, Bonaire y Curaçao” lo bay rond mundo y asina rond mundo nan por disfruta di nos musica. E boeki ta obtenibel den libreria y tambe na hotel. Durante e anochi di presentacion lo firma e boeki ariba peticion di e comprador.